

INUIT ATAQATIGIIT INATSISARTUNI



UKA2021/166

4. november 2021

Harald Bianco

Illoqarfinni nunaqarfinnilu, immap tinittarnera ulerujussuarterneralu pillugit, angallatinut umiarsuarnullu talittarfiit qarsunneqartaleriartuinarneri, isumannaannerusumik aaqqissuunneqarnissaat siunertaralugu, UKA2022-mut naammassereersimasussamik Naalakkersuisut pilersaarusoqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Siverth K. Heilamnn, Atassut)

Siullermik siunnersuuteqartoq Siverth K. Heilmann Atassut qutsavigaarput siunnersuutaanut.

Ilaatigut silap allanngornera pissutaalluni sunniutit ullutsinni atulikkatta ilaannarivaat siunnersuuteqartup ugguuna qaqitaa, nunarput tamaat malugisarput.

Naalakkersuisup akissuteqaataani Inuit Ataqatigiinniit maluginiarparput; umiarsualivinnut immikkoortumut pilersaarummi 2017 - 2027 ingerlatitsisut. Taamatuttaaq Naalakkersuisut umiarsualivinnut ukkatarinninniarnerat aamma malunnartooq erserpoq. Taamaaliornermikkut umiarsualivinnik ataavartumik iluarsaassinerit ingerlallugit, naak ukiumut aningaasaliissutit kr. 25,2 mill. –it nuna tamakkerlugu sukumiisumik iluarsaassinissamut annertugisassaangikkaluartut, taakku aama allanut soorlu puttasut isumaginerinut atortarmata.

Inuit Ataqatigiinniit umiarsualiveqarnikkut aserfallatsaaliinerup ajornartorsiutaa-nera annertuujusoq ilisimaaraaput, siunnersuuteqatorlu paasilluarlugu ajornartorsiutip qanoriliuuseqarfiginissaa tapersersornartillugu.

INUIT ATAQATIGIIT INATSISARTUNI



Inuit Ataqatigiinnit ilisimaaraarput umiarsualivinni aserfallatsaaliineq anner-tuumik kinguaattoorfiusoq, soorlu nunatsinni ikerasaliassat siusinnerusukkut sammigatsigit nalunaarusiakkut saqqummiunneqartoq, iluarsartuussinikkut allaat kr. 270 mill. angullugit kinguaattoorfiusoq.

Taamatut Inuit Ataqatigiinniit tunngavilersorluta Naalakkersuisut allannguutis-satut siunnersuutaat ilalerparput, ataatsimiititaliamullu susassaqartumut inner-suullugu.